

古尊宿語卷第二十四

勿十二

黃梅東山五祖演和尚語下

師在海會受請拈香示衆云八十翁翁綰繡
毬遂付維那宣疏畢陸座云三處住持只這
滋味這回冤家難爲回避白蓮峯鼻孔海會

勿十二

山出氣

當晚小叅云一則三三則七牧

羊隄畔女貞荅拒馬河邊望夫石石擊尺赤
土盡鐵箕從教眼搭癡復云淮南三十載
今作老黃梅好是明明說從教鴨聽雷
入院祖師塔燒香以手指云當時與麼全身
去今日重來記得無復云以何爲驗以此爲

永樂北藏

古尊宿語錄

驗逐禮拜

開堂黃梅宰公度疏師拈起

示衆云見麼差珍異室盡在其中若也不見
請表白對衆拈出宣疏畢乃云便與麼散去
早是多事了也若也不信遂指法座云少間
向上頭撒沙撒土去也便升座拈香祝
聖罷復拈香云此一炷香在舒郡二十七年
三處住院諸人慾知遂欲燒次復云不得也
須說破某十五年行脚初叅迂和尚得其毛
次於四海叅見尊宿得其皮又到浮山園鑒
老處得其骨後在白雲端和尚處得其髓方
敢承受與人爲師今日焚向爐中從教薰天
炙地有耳聾者辨取四祖和尚白槌云法筵

第一九七册

龍象衆當觀第一義

師云當觀第一義

室劍霜鋒利掣電隔三千家勝無倫譬眼辯
手能親出來相比試 僧問旧店新開列室
珍一回拈著一回新師今已據盧能位端的
如何拂鏡座師云朝到西天暮歸唐土進云
已得軒轅辨端的靈光從此照恒沙師云家
初一句作麼生進云不辭山路遠踏雪也須
過師云你猶醉在問靈山一會迦葉親聞未
審今日一會什麼人得聞師云與靈山無異
進云古之今之盡是知音師云知音一句又
作麼生進云點頭不吐舌師云無人孟浪過
你進云忽遇擎雪履霧來時又作麼生師云

老僧打退鼓

師乃云適來四祖師林白槌

云當觀第一義只如第一義且作麼生觀要
會麼三世諸佛若無第一義將什麼化度有
情西天四七唐土二三乃至天下老和尚若
無第一義將什麼建立宗風只如當今聖帝
若無第一義將什麼統御天下知郡學士知
縣宣德合座尊官若無第一義將什麼為民
父母乃至在會施主若無第一義將什麼崇
敬三寶然雖如是也須各各自悟始得
上堂舉古人道夫為善知識須是驅耕夫之
牛奪飢人之食驅耕夫之牛令他苗稼滋盛
奪飢人之食令他永絕飢虛衆中聞舉者多

是如風過耳相侶既驅其牛爲什麼却得苗
稼滋盛既奪其食目什麼永絕飢虛到者裡
須是有驅耕夫之牛奪飢人之食底脚手便
與拶一拶逼一逼趕教走到結角處便好向
伊道福不重受禍不單行 上堂云二月
春中漸暖哈歌頻打拍板烏雞走入鵝群鴨

兒凍得背匾水上或浮或沉何時解成珣璣
子細好好思量天地去此不遠復云頻婆娑
羅王 上堂今朝二月初五行者先來打
鼓長老肚裏忙然思量說佛說祖大地雪深
三尺禽獸喫泥喫土今年必定豐熟自然五
風十雨者裡有個好處且道有什麼好處遂

永樂北藏

古尊宿語錄

作雷聲云是什麼復云雷乃發聲

上堂

云夫爲禪客如出塞將軍你將得雲門半片
餬餅來我便與半個須彌山若不如是焉敢
稱禪客 上堂云夫爲出家之人須有出家
之見具擇法眼方爲出家如何是擇法眼破
燈盞畢竟如何擔板擔板 結夏日上堂

初十二

三

云益夏漸熱伏惟首座大衆尊候萬福却侶
夾竹桃花錦上鋪茶徧地花莫眼花每年事
例不用張查下座人事巡寮喫茶 上堂
舉永嘉道亦無人亦無佛大千沙界海中漚
一切聖賢如電拂大衆這裡若不具金剛眼
睛便見觸髅徧野如何即是劄閣路雖險夜

第一九七冊

行人更多

上堂云立雪斷臂拍喻後人

人能弘道非道弘人這箇是什麼語江城子

上堂云時人住處我不住時人行處我

不行畢竟作麼生牛角長三寸兔角長八尺

四溟東海派般若波羅密 上堂云門外

有大路不有開口臘月三十日胡亂外邊

走好大哥 上堂云無法可說是名說法

夜月巖凝霜天凜冽池裡烏龜凍得成龜更

說兩句舌頭成鐵 聖節上堂云十二月

初八日今上皇帝降誕之辰不得說別事乃

高聲云皇帝萬歲皇帝萬歲 上堂云無

邊身菩薩將竹杖量世尊頂丈六了又丈六

量到梵天不見世尊頂相乃擲下竹杖合掌
說偈云虛空無有邊佛功德亦然若有能量
者窮劫不可盡大衆無邊身菩薩說偈且止
諸人還解自量也無若教老僧自量直是無
下手處不見古人道斗元佛座功德難量餓
子燒香然雲鬘鏈何故如是別是一家春

上堂云一年只餘此月天道未嘗降雪奉告
三界龍神各自迺相報說普天普地鋪銀且
要應時應節更望大衆慈悲為念普賢菩薩
畢竟作麼生摩訶薩 郭朝奉并正請上
堂朝奉於法座前燒香云此一瓣香爇向爐
中為光明雲遍滿法界供養我堂頭師兄祥

師伏願於此雲中方廣座上壁開面門放出
先師形相與諸人描貌何以如此白雲岩畔
舊相逢往日今朝事不同夜靜水寒魚不食
一爐香散白蓮風 師遂云最謨薩怛多
鉢囉野怱麼怱麼幾度白雲溪上望黃梅花
向雪中開不怱麼不怱麼嫩柳條金線且要

勿十二

四

應時來不見龐居士問馬大師不與萬法為
侶者是什麼人馬大師云待汝一口吸盡西
江水即向你道大衆一口吸盡西江水萬丈
深潭窮到底掠約不是趙州橋明月清風安
可比 上堂云春雨洒無涯乾坤已具知
東君行心令梅柳一枝枝祖師門下客相見

在今時相見即不無說什麼事便下座
上堂舉肅宗帝問忠國師云和尚百年後所
須何物國師云與老僧造箇無縫塔帝云請
師塔樣國師良久云會麼帝云不會國師云
吾有付法弟子耽源却諳此事請諮問之師
云前面是真珠瑪瑙後面是瑪瑙真珠東邊
是觀音勢至西邊是普賢文殊中間有一首
幡被風吹著道胡盧胡盧 上堂願視禪
床左右遂拈拄杖在手云只長一尺下座
上堂云世有一物亦不屬凡亦不屬聖亦
不屬邪亦不屬正萬事臨時自然歸令抵死
要知換却性命 上堂云擔水河頭賣諸

人盡笑怪滯貨没人猜一侶欠他債昨夜三更半石人關禮拜這箇說話莫道你理會不得我也理會不得 上堂云古人道無邊刹境自他不隔於毫端十世古今始終不離於當念師云是即是只是太舊雪峯示衆道盡大地撮來如粟米粒大拋何面前漆桶不五會打鼓普請看大衆雪峯對面熟瞞諸人不五少也然雖如是還有與雪峯同步底麼試出未與五祖相見有麼若無逐拈拄杖卓一下舉起云五祖今日與雪峯同乘槎泛四大海穿八大龍王髑髏經過百千箇須彌山却回來法座上坐又送雪峯歸雪峰山只是不曾

動着一步諸人還信得及麼若信不及逐舉拄杖云豈不見先師翁道放在卧床頭急要打老鼠 上堂云凡心聖意露堂堂念念無差即道場何去莫言今日事觀音自在放毫光良久云莫瞞老僧好 上堂云三月安居今已滿九旬禁足事如何西天螺驗聞聲以此土鵝珠說者多季運二千年遠意混流水乳積成河林泉開士齊弘護莫使塵類著衆魔 上堂云時候季秋霜冷皎潔銀河耿耿松窓一炷爐烟頗稱吾家好景 上堂舉僧問投子大藏教中還有奇特事也無投子云演出大藏教師云投子被人一問

直得料掉沒交涉若是五祖即不然茲有人
問大藏教中還有奇特事也無老僧即向伊
道作禮而去信受奉行然雖如是與他授子
白雲萬里畢竟如何要你諸方眼作廢
上堂云悟了同未悟歸家尋舊路一字是一
字一句是一句自小不脫空兩歲學移步湛
水生蓮花一年生一度 上堂云頻頻喚
汝不歸家貪向門前弄土沙每到年年三月
裡滿城開盡牡丹花 上堂云青蘿黃綠
直上寒松之頂白雲淡泞出沒太虛之中自
十九至二十三日萬餘人來此赴會開開地
如今只見老漢獨自吧吧地若道多人是

開一人是靜直是白雲萬里畢竟如何一人
開浩浩多人靜悄悄不如歸堂喫茶好
上堂云心隨萬境轉轉處寔能結雲門道觀
世音菩薩將錢買胡餅放下手云却是箇饅
頭如此則隨他脚跟轉也五祖有箇隨流認
得性快樂永無憂慮目緣舉似大眾忽然於
此省去也不定良久喚侍者侍者應諾師云
我害瘦 上堂云仲冬嚴寒普徧世間富
貴即易貧窮即難唯我林泉之人無易無難
為什麼如此良久云無人處向你說
上堂舉普化道明頭來明頭打暗頭來暗頭
打虛空裡來虛空裡打四方八面來連枷打

臨濟聞得遣僧問云揔不恁麼來時如何化
云明日大悲院裡有齋若是五祖即不然有
人問揔不恁麼來時如何和聲便打是他頂
道五祖盲枷瞎捧我只要你恁麼道何故一
任舉似諸方 上堂云應接無方唯是此
一毛端上廓心田生枝延蔓魔家族點點舒
光曜祖天 上堂云風和日暖高樹鶯啼
桃李妍而爛錦成行芳草濃而鋪茵作陣落
落一片兩片浮碎玉以霏霏柳舞三四五四
曳長絲而冉冉當是時也古人道絲鳥語如
黃柳垂金線長烟收山谷靜風送杏花香永
日滿然坐澄心萬慮忘欲言言不及林下好

商量良久云你且商量看 上堂舉僧問
雪峯云古澗寒泉時如何峯云瞪目不見底
僧云飲者如何峯云不從口入趙州聞得云
不可從鼻孔裡入也僧却問趙州古澗寒泉
時如何州云苦僧云飲者如何州云死師云
若有人問五祖古澗寒泉時如何即向伊道
勿十二
水飲者如何但云當下止渴或有個人出來
問道與曹溪水是一是二我即向伊道分枝
列派縱橫自在低處澆田高處潑菜
上堂云趙州道箇栢樹子廬陵隨後雪白未
中間有箇白蓮峯一口吸盡西江水喜笑囉
選哩囉選哩我自我你自你深村有箇白賴

虫吒腮鬣領九條尾良久云噉好怕人

小衆舉藥山初衆石頭問云三乘十二分教某甲粗知來處訪問南方直指人心見性成佛寔未明了石頭云恁麼也不得不恁麼也不得恁麼不恁麼惣不得藥山罔措一日坐次石頭遂問云汝在此作什麼山云一物也不爲頭云恁麼則閑坐也山云閑坐則爲也頭云子遠來道不爲又不爲箇什麼山云千聖亦不識石頭遂有頌云從來共住不知名任運相將只麼行自古上賢猶不識造次凡流豈易明師云大衆須是過得祖師關會無道玄路始會此般說話石頭恁麼垂示便類

趙州庭前栢樹子洞山麻三斤雲門趙佛哉祖之談五祖亦有頌任運不知名輕輕著眼聽水上青青綠元來是浮萍四面專使文詳持法嗣書到師於法座前受書拈起問專使云這箇是四面底閑梨底在什麼處使云驗在目前師云幾不問過遂陞座云好事難逢何不出興大家唱和時有僧出問云石頭馳書猶是鈍漢玄沙白紙謔說同風四面貴來有何祥瑞師云春氣發來無硬地進云與麼則銜開千頃浪透過祖師關師云真個也無進云可謂是黃梅後無人識獨許東山一老師師云更有人在進云和尚也不要

疑著師云也落在閻梨後進云只如四面無門老和尚向甚麼得這消息來師云你向甚麼處去來僧指東畔云這箇直歲得恁麼黑又指西畔云這箇知客得恁麼肥師云不得指東劃西僧以坐具一劃云者箇不可喚作東西也師云看你亂走進云和尚低聲恐人

初十二

八

聞得師云你遠來也即當不少僧以手捫口云是我招得師乃云大眾四面長老有書對大眾前須當說過四面大溲桶詳師分半桶白蓮峯下開薰却我鼻孔且道爲什麼如此無你出氣處太平專使至上堂云萬里無雲點太清祖天日月自分明太平不

許將軍見却許將軍建太平上堂云舉則公案事事成辦向外馳求癡漢癡漢上堂云有物先天地無形本寂寂能爲萬象主不逐四時彫古人恁麼道可謂錦上鋪花不妨奇特諸人且作麼生會白蓮今日曲順後撥不惜眉毛亦爲頌出有中有無中無細中細龕中龕上堂云今朝三月初五老漢亦無所補無字指路堂堂枉見衲僧受苦畢竟如何如人學射上堂云媚景中春暖色暄盡塵沙界一殷天林禽翳鬱爭蒼翠花柳芬芳閭色鮮蝶弄牡丹飛勢緊蜂游芳樂謾遲迫人生幾度逢春景何不於中種福

田 上堂舉興化云我逢人則不出出則
便為人三聖道我逢人則出出則不為人師
云此二古德一人文章浩渺一人武藝全施
若道興化是文亦不得若道三聖是武亦不
得還於此辨得出麼若辨得出許你通身是
命若辨不出你自相度 上堂云如何是

初十二

九

禪閣浮樹在海南邊近則不離方寸遠則十
萬八千畢竟如何禪禪 上堂云賤賣擔
板漢貼秤麻三斤百千年滯貨何處著渾身
上堂云今朝八月二十佛法兩字難入深
村大小老翁達磨祖師不及 上堂云未
透祖師關莫問大雪山一步一萬里千難與

萬難

上堂舉僧問趙州狗子還有佛性
無趙州云無僧云一切衆生皆有佛性狗子
為什麼却無州云為伊有業識在師云大衆
你諸人尋常作麼生會老僧尋常只舉無字
便休你若透得這一箇字天下人不奈你何
你諸人作麼生透還有透得徹底麼有則出
來道看我也不需要你道有也不要你道無也
不要你道不有不無你作麼生道珍重
呂寶文 嘉問入山上堂僧問世尊拈花迦葉
微笑台旃光臨於法席領師方便為宣揚
師云六耳不同謀進云不於花上覓煇赫自
圓明師云好進云可謂獨露無私對揚有準

師云是進云覲面知機又作麼生師云不得與別人說進云和尚只知其一旦不知其二師云你作麼生進云祖師却道知來也歸作藍梅正是時師云被你道着進云已得真人好消息人間天上更無疑師乃云記得昔日僧問六祖黃梅衣鉢什麼人得祖云會佛法座人得僧云和尚還得也無祖云不得僧云為什麼和尚却不得祖云我不會佛法又舉僧問雪峯和尚見德山後得個什麼道理便休去峯云我當時空手去空手回師云大衆此二尊宿一人是祖師一人是禪師及乎問着便道我不會佛法又道我空手去空

手回你諸人還會伊恁麼說話也無若要會他恁麼說話須是透祖師閑始得若不透祖師閑輒不得正眼觀者唐提舉到院上堂舉三聖問雪峯透網金鱗以何為食峯云待汝出網來即向汝道聖云一千五百人善知識話頭也不識峯云老僧住持事煩衆中或謂雪峯與三聖宗派不同故言不相契或謂三聖作家雪峯不能達其意如斯話會有何交涉忽有人問五祖透網金鱗以何為食老僧向伊道好個問頭復云大衆且道與雪峯是同是別不能為你說得聽取一頌洞裏無雲別有天挑蒼似錦柳如烟仙家不

會論春夏石爛松枯是一年 資福專使持
法嗣書至師於法堂上受書拈起問專使云
本無名字什麼處得這箇來專使擬議師云
曰誰致得遂陞座舉石頭問長髭什麼處來
髭云嶺南來石頭云大庾嶺頭一鋪功德就
也未髭云就來久矣只欠點眼在石頭云莫

要點眼麼髭云便請石頭垂下一足髭便禮
拜石頭云你見個什麼道理便禮拜髭云如
紅爐上一點雪師云紅爐一點雪知音皆下
瞥龜毛扇子扇泥牛一點血 偈頌 師室
中常舉趙州狗子還有佛性也無州云無目
僧請問師為頌之 趙州露刃劍寒霜光皎

磻更擬問如何不身作兩段 和 李提刑常
和 荅頌二首 造化之功品物情正當生處
不言生尋枝摘葉空勞力一朶開時一佛成
此土西天祖佛名雙峰頂上鐵荅生世間
無限丹青手只恐吟成畫不成 自貽 白
雲堆裡古家風萬里霜天月色同林下水渚

勿十二

十一

人罕到方知吾道樂無窮 還興 冉冉白
雲間拂拂微風起至哉造化功孰謂究終始
究之既不能徒然自憂喜 寄舊知二首
隔閭多時未是疎結交豈在頻相見送教山
下路崎嶇萬里蟾光都一片 朔風掃盡千
巖雪枝上紅梅包欲裂縹緲寒雲天外來吾

永樂北藏

古尊宿語錄

第一九七冊

家此境憑誰說 次韵酬鼓運使留題七峯閣
山腰營小閣聊可寄生平三四危峯頂
啼猿分外清 次韵寄鼓運使吏部 縱使
千回眼見爭如手親一徧透得此個重関乃
定平生方便 聚遠亭 眼觀不足耳聽不
盡水碧山青誰遠誰近 蒼馮希道 老病
踈慵不記心應無狂夢到瑤林水聲山色長
為伴利害泛教似海深 送白首座四鄉
歸心休問路多端四海爲家未足觀隻履清
名思達磨諸侯九合咲齊桓 示禪者二首
學道先須得指歸聞聲見色不思議長天夜
夜家家月影落澄潭幾個知 祖道何殊世

路平時人行處不須驚擬心未到先移出直
似玄沙問鏡清 讚白雲先師真 一月在
天影含衆水師真之真非月非水青黃碧綠
亂茶糊看未半嗔半偷喜 送文禪人寧親
今生父母當親觀從本爺娘子細看動轉施
為全得力一回舉着骨毛寒 送化七四首
何事秋風入夜涼柏巷時復送餘香要知此
箇真消息未後殷勤味家長 皖伯臺前送
別時桃巷似錦柳如眉明年此日凭闌望依
舊青青一两枝 透出龍門未是難幾人得
過趙州関白雲片片青山外為雨為霖去復
還 出自白雲山携筇步烟渚心中幾萬端

維我能相許 重會郭功甫 淨空居士久
相知三十年來只片時 今日白蓮華下見維
摩元是舊容儀 送蜀僧 相聚淮南四十
年而今歸去路三千有人若問西來意水在
江湖月在天 寄信上人 一餅一鉢且隨
緣此事時時強為宣知已不來春祈光孤峰
皎月對寒泉 送呂公輔 送客別金沙行
行去路賒淡烟籠碧漢薄霧縹紅霞百舌吟
新樹千株長嫩芽翻思分袂處舉首見桃峯
送黃景純 徧遊五祖山語喚令人愛極目
情量寬禮貌多自在思鄉便欲回不慮他人
怪再見是明年往來無罣碍 訪信和尚

維摩之後室長開立雪求心悟善財木老蒼
眠弓白雲亂卷波澄霜夜弓皎月徘徊不二
門高遠相訪又騎羸馬入塵埃 贊四祖演
和尚 挂卷包裡老黃梅不向陰陽地上開
蜂蝶豈知香遠拆難尋踪跡去還來 恒四
祖演和尚 此病彼園寂吾門何得失生死
若空蒼去來如鳥跡東涌忽西沒影挂寒堂
壁三十三天撲帝鍾普念般若波羅密
自贊 眼暗耳聾行步龍鍾人前強咲叉手
當膏 與瓌禪化麦 水中撈得麦恐悚瓌
禪客往復偃溪遙聞聲隔不隔 悼陳吉先
子既卜遷居禪家第一謀有恍不挂樹無住

想然途世態那堪戀恩情盡屬愚祖師門下
客到此辨錙銖 偶作 多時欲馮天邊雁
毛色觀來苦未全 啼叫不妨知 即令養成飛
去有何難 鴈鴈鴈 增當初占古蹤 禪禪入理
深淵無形無狀千難萬難後生晚長心堅石
穿 吊崇勝大師 苦霧罩庭軒悲雲鎖幕
天師歸真淨界影挂月孤圓去不去兮若之
夢來不來兮誰後先誰後先關浮樹在海南
邊

卷

下

古尊宿語錄卷第二十四

勿十二